

Na osnovu člana 72. stav (3) alineja c) Zakona o javnim nabavkama u BiH, (Službeni glasnik BiH broj: 39/14), a nakon provedenog konkurentskog zahtjeva javne nabavke i ugradnje vanjske PVC stolarije u objektima KJU „Gerontološki centar“ Sarajevo, ugovorne strane:

1. **KANTONALNA JAVNA USTANOVA „GERONTOLOŠKI CENTAR“ SARAJEVO**, ul. Aleja Bosne srebrene br.7., registrovan kod Općinskog suda u Sarajevu, matični broj subjekta upisa: 65-05-0223-09 (stari broj 2-3), identifikacijski broj kod Porezne uprave FBiH Kantonalni ured Sarajevo 4200092250001, koga zastupa Direktor Ismet Skoko, mr.sci.ecc. (u daljem tekstu: Ugovorni organ)

i

2. **„KRISTAL KOMERC“ d.o.o. iz Konjica**, ul. Musala bb., registrovan kod Općinskog suda u Mostaru, MBS: 58-01-0031-13 (stari broj D 1-332), ID broj kod Porezne uprave FBiH, Kantonalni porezni ured Mostar 4227244790002, PDV broj kod Uprave za indirektno oporezivanje BiH 227244790002, koga zastupa Direktor Ćibo Sejo (u daljem tekstu: Dobavljač),

dana 12.01.2017. godine, u Sarajevu, zaključuju:

## U G O V O R

### o nabavci i ugradnji vanjske PVC stolarije

#### Član 1.

Ovim Ugovorom Dobavljač se obavezuje da će za Ugovornog organa **nabaviti i ugraditi vanjsku PVC stolariju u objektima Kantonalne javne ustanove „Gerontološki centar“ Sarajevo**, a prema zahtjevima Ugovornog organa iz Tenderske dokumentacije, broj: 10-1584-1/16 od 04.11.2016. godine i Ponudi Ponuđača, broj: 28/11/2016 – „Gerontološki centar“ od 28.11.2016. godine, koji čine sastavni dio ovog Ugovora.

#### Član 2.

Dobavljač se obavezuje da će predmetnu robu nabaviti i ugraditi kvalitetno i blagovremeno, u skladu sa tehničkim normativima i obaveznim standardima koji važe za ovu vrstu robe.

#### Član 3.

Ukupna ugovorena vrijednost predmetne nabavke iznosi **16.594,73 KM bez uračunatog PDV, odnosno 19.415,83 KM sa uračunatim PDV** i u istu su uključeni svi troškovi (troškovi materijala, troškovi demontaže, troškovi montaže).

Ugovorena vrijednost predmetne nabavke je fiksna do kraja izvršenja ugovora.

Ukoliko Dobavljač bez pismenog naloga Ugovornog organa izvrši ugradnju skuplje stolarije od ugovorene, nema pravo tražiti razliku u cijeni.

#### Član 4.

Ugovorni organ se obavezuje da će plaćanje ugovorene vrijednosti predmetne nabavke iz člana 3. ovog Ugovora, izvršiti na slijedeći način: u roku od 15 (petnaest) dana po ispostavljanju fakture za uredno isporučenu i ugrađenu robu. Predmetna nabavka će se smatrati okončanom kada to zapisnikom o primopredaji ugovorne strane obostrano konstatuju.

Plaćanje će se izvršiti na transakcijski račun Dobavljača, broj: 3386802200197479, otvoren kod UniCredit bank Sarajevo.

Za svako kašnjenje u plaćanju Ugovorni organ se obavezuje da Dobavljaču pored glavnice, bez bilo kakve daljnje opomene, plati zakonske kamate za kašnjenje, u visini stope zatezne kamate propisane zakonom.

Ukoliko Ugovorni organ zakasni sa plaćanjem, Dobavljač ima pravo, bez ikakve daljnje opomene, na posebnu naknadu u iznosu 100,00 KM.

#### Član 5.

Ugovorne strane su saglasne da se po izvršenju svih ugovorenih obaveza od strane Dobavljača, sačini zapisnik o primopredaji i ugradnji robe, te da se isti ovjeri od strane ovlaštenih predstavnika obje ugovorne strane.

Na osnovu zapisnika iz stava 1. ovog člana Dobavljač će sačiniti račun i dostaviti ga na ovjeru i plaćanje Ugovornom organu.

#### Član 6.

Dobavljač se obavezuje da će ugovorenu obavezu izvršiti najkasnije u roku od 10 kalendarskih dana od dana zaključenja Ugovora.

Ukoliko Dobavljač svojom krivicom ne izvrši ugradnju robe u roku iz stava 1. ovog člana, dužan je platiti Ugovornom organu, na ime ugovorene kazne, za svaki dan zakašnjenja 2% od ugovorene cijene robe.

Pored prava iz prethodnog stava, Ugovorni organ ima pravo na naknadu štete, ako je ista prouzrokovana ovim zakašnjenjem.

#### Član 7.

Ukoliko u toku ugradnje nastupe okolnosti koje se u vrijeme zaključenja Ugovora nisu mogle predvidjeti, a koje utiču na tok ugradnje, tako što ugradnju robe otežavaju ili ih privremeno sprječavaju, ugovorne strane će preispitati te okolnosti i sporazumno utvrditi novi rok za završetak ugovorenih obaveza.

Dobavljač je dužan da nastale nepredviđene okolnosti zbog kojih je ometen u ugradnji robe, upiše u dnevnik ugradnje robe (od dana nastupanja, do trajanja tih okolnosti).

#### Član 8.

Ukoliko se u toku ugradnje robe ispostavi da se Dobavljač ne pridržava uslova Ugovora, te da će ugrađena roba imati nedostataka, Ugovorni organ će upozoriti Dobavljača na to i odrediti mu primjeren rok da rad uskladi svojim obavezama.

Ako do isteka tog roka Dobavljač ne postupi po zahtjevu Ugovornog organa, Ugovorni organ može raskinuti Ugovor i zahtijevati naknadu štete.

#### Član 9.

Ugovorni organ se obavezuje da će Dobavljaču omogućiti neometanu ugradnju opreme.

#### Član 10.

Garantni rok za ugrađene profile iznosi 5 (pet) godina i za okove 2 (dvije) godine od dana ugradnje istih, u kom roku se Dobavljač obavezuje bez naknade otkloniti svaki nedostatak ili grešku učinjenu u toku ugradnje robe, te izvršiti zamjenu neispravne robe ili dijelova iste.

Dobavljač se obavezuje da će u toku garantnog perioda, po zahtjevu Ugovornog organa, u roku od 24 sata, ustanoviti svaki nedostatak ili propust koji nastane prilikom ugradnje predmetne robe i otkloniti ga o svom trošku, u razumnom vremenskom roku, koji zavisi od vrste predmetne robe.

Ukoliko se u toku garantnog perioda ustanovi da ugrađena roba ima nedostatke koji se ne mogu otkloniti, Dobavljač se obavezuje da će o svom trošku istu zamijeniti novom, i to u razumnom vremenskom roku, koji zavisi od vrste ugrađene opreme.

Član 11.

Ovaj Ugovor stupa na snagu danom potpisivanja ugovornih strana.


Član 12.

Eventualne sporove nastale pri realizaciji ovog Ugovora, ugovorne strane će nastojati riješiti sporazumno, a ukoliko to nije moguće, za rješavanje sporova nadležan je Općinski sud u Sarajevu.

Član 13.

Ovaj Ugovor je sačinjen u četiri /4/ istovjetna primjerka, od kojih svaka strana zadržava po dva /2/ primjerka.

DOBAVLJAC




Broj:

Sarajevo,

12.01.2017.

*Fetih Avdić*

UGOVORNI ORGAN



Broj: 10-1584-14/16

Sarajevo, 12.01.2017. god.